

इवनिंग डोगरी न्यूज़ बुलेटिन

समे .1815

<><><><><><>

Headlines

- 1.राज्यसभा च बरोधी धड़े आसेआ सभापति जगदीप धनखड़ हुंदे खलाफ आहन्ने गेदे अविश्वास प्रस्ताऽ गी खारिज करी दित्ता गेआ ऐ।
- 2.डॉ. बी.आर. अंबेडकर हुंदे पर गृह मंत्री अमित शाह हुंदी, कीती गेदी टिप्पणी करी संसद च होए दे हंगामे करी दौनें सदनें दी कार्रवाई अज्ज दिन भरै लेई स्थगित।
- 3.सरकार 'इक देश इक चुनां' सरबंधी विधेयकें गी संसद दी सांझी समिति गी सौंपा करदी ऐ।
- 4.अमरीका नै पाकिस्तान दिएं चार संस्थाएं पर बंदिशां लाई दित्तिआं न। इंदे च राश्ट्री विकास परिसर—एनडीसी बी शामिल ऐ जेह्दे पर पाकिस्तान दे बैलिस्टिक मिसाइल कार्यक्रम च सैहयोग दा आरोप ऐ।

5.महिलाएं दे टी-20 क्रिकेट च भारत ते वेस्ट इंडीज

बशकार मजूदा श्रृंखला दा फाईनल मुकाबला अज्ज संझां
मुंबई च खेड्ढेआ जाह्ग ।

<><><><><><><>

RS-Confidence Motion

राज्यसभा दे उपसभापति हरिवंश होरें सभापति जगदीप धनखड़ हुंदे खलाफ आहन्ने गेदे अविश्वास प्रस्ताऽ गी खारिज करी दित्ता ऐ। बरोधी दलें सभापति हुंदे पर फर्कोफर्की आहले तरीके कन्नै कम्म करने दा आरोप लांदे होई उंदे खलाफ अविश्वास प्रस्ताऽ पेश कीता हा। उपसभापति होरें इसी उपराष्ट्रपति जगदीप धनखड़ हुंदी प्रतिष्ठा गी खराब करने दी कोशश लेई गैर—मुनासब, गंभीर रूप कन्नै दोषपूर्ण ते काहली—काहली च आहन्नेआ गेदा प्रस्ताऽ करार दित्ता। उनें आखेआ जे एहदा उद्देश्य संवैधानिक संस्थाएं गी नुकसान पुजाना ऐ। इस म्हीने दी 10 तरीक गी श्री धनखड़ होरें'गी उंदे औहद्धे शा हटाने लेई घट्ढोघट्ढ 60 विपक्षी सदस्यें इस नोटिस पर दस्तख्त कीते हे।

Parliament (Revised)

संसद दे दौनें सदनं दी कार्यवाही च अज्ज, डॉ. बीआर अंबेडकर हुंदे पर गृह मंत्री अमित शाह हुंदी, कीती गेदी टिप्पणी करी केई बारी विघ्न पेआ। एह लगातार दुआ ध्याड़ा ऐ, जिसलै लोकसभा ते राज्यसभा च कोई बी महत्वपूर्ण कम्म नेई होई सकेआ। लोकसभा दी कार्यवाही बड्डलै पैहली बारी स्थगित कीते जाने दे बाद दपैहरी 2 बजे जेल्लै फही शुरू होई, तां कांग्रेस, डीएमके, समाजवादी पार्टी ते होर दुए बरोधी सांसद सदन दे बिच्चो—बिच्च आई गे। किश सदस्य गृह मंत्री हुंदे खलाफ नारेबाजी करदे होई अध्यक्ष हुंदे आसन कश बी पुज्जी गे। शोर—शराबे ते डंड—रौली दे चलदे पीठासीन अधिकारी होरें सदन दी कार्यवाही दिनभरै लेई स्थगित करी दित्ती। एहदे शा पैहले बड्डलै जिसलै सदन दी कार्यवाही शुरू होई, तां बरोधी दलें श्री शाह हुंदी टिप्पणी पर बरोध जताया। किश सदस्य सदन दे बिच्चो—बिच्च बी आई गे। हंगामे दे चलदे अध्यक्ष ओम बिरला होरें सदन दी

कार्यवाही दपैहरी 2 बजे तगर लेई स्थगित करी दित्ती।
राज्यसभा च बी नेय गै हालात बने दे रेह। दपैहरी 2 बजे
तगर स्थगित होने दे बाद जिसलै सदन दी कार्यवाही परतियै
शुरू होई तां संसद भवन परिसर च बरोध प्रदर्शन दे दरान
बीजेपी दे द'ऊं सांसदें दे जख्मीं होने दी घटना दा मुद्दा
पुट्टेया गेआ। बीजेपी सांसद फागनोन कोन्याक होरें आरोप
लाया जे संसद दे बाहर बरोध प्रदर्शन दे दरान लोकसभा च
विपक्ष दे नेता राहुल गांधी होरें उंदे कन्नै माड़ा बवहार
कीता। एह्दे शा पैहले, जिसलै सदन दी कार्यवाही शुरू होई,
तां सभापति जगदीप धनखड़ होरें श्री शाह हुंदी टिप्पणियें ते
होरनें मुद्दे पर बरोधी सांसदें आसेआ दित्ते गेदे स्थगन
नोटिस गी नामंजूर करी दित्ता। कांग्रेस, डीएमके, आम
आदमी पार्टी, समाजवादी पार्टी, आरजेडी, वामपंथी ते होरनें
विपक्षी सदस्यें गृह मंत्री हुंदे खलाफ नारे लाए। सभापति होरें
सदन च बवस्था बनाई रक्खने दी गुजारिश कीती पर कोई
फायदा नेई होआ। मगरा उनें सदन दी कार्यवाही दपैहरी 2
बजे तगर स्थगित करी दित्ती।

<><><><><><>

HM Amit Shah

केन्द्री गृहमंत्री अमित शाह होर अज्ज नमीं दिल्ली च इक उच्च स्तरी बैठक दी अध्यक्षता करडन। बैठक च जम्मू—कश्मीर सनें सुरक्षा सरबन्धी केई महत्वपूर्ण मुद्दे उप्पर सोच बचार कीता जाग। जम्मू कश्मीर दे उपराज्यपाल मनोज सिन्हा होर बी इस बैठक च शामिल होडन। बैठक दा मकसद जम्मू कश्मीर च रमानदारी ते स्थिरता जकीनी बनाने दिए नीतिएं दी समीक्षा करना ऐ। एहदे च राष्ट्री सुरक्षा सलाहकार अजीत डोभाल, केन्द्री गृह सचिव गोविंद मोहन, खुफिया विभाग दे निदेशक तपन डेका, थलसेना प्रमुख उपेन्द्र द्विवेदी, केन्द्री थेआरबंद बलें दे महानिदेशक, जम्मू कश्मीर दे मुख्य सचिव ते पुलस महानिदेशक बी शामिल होडन। एहदे शा पैहले गृह मंत्री होर जंदी 16 जून गी राष्ट्री राजधानी रु इस इस्सै चाल्ली दी इक जायजा बैठक दी प्रधानता कीती ही।

<><><><><><>

Encounter

दक्खनी कश्मीर दे कुलगाम जिले च कदेर बेहीबाग च आतंकवाद—रोधी अभियान च सुरक्षाबलें 5 आतंकवादिएं गी मारी—मुकाया ऐ। आकाशवाणी दे श्रीनगर संवाददाता नै दस्सेआ ऐ जे फौज दे प्रवक्ता होरें टाक्करे च द'ऊं जवानें दे जख्मीं होने दी तसदीक कीती ऐ। एह्दे शा पैहले इस इलाके च आतंकवादिएं दी मजूदगी बारै इक पक्की सूह् थोने परैन्त सुरक्षाबलें जंदी रातीं उत्थे घेराबंदी ते तपाशी अभियान चलाया। जि'आं गै सुरक्षाबलें दे जवान संदिग्ध थाहरै कश पुज्जे तां उत्थे छप्पे दे आतंकवादिएं उंदे पर अन्नेबाह् गोलीबारी शुरु करी दित्ती जेह्दा सुरक्षाबलें बी तुरत बनकदा परता दित्ता ते टाक्करा भखी पेआ।

<><><><><><><>

Digital Arrest Camp(byte)

जम्मू कश्मीर पुलस नै रियासी च गौरमेंट हायर सकैंडरी स्कूल च अज्ज डिजीटल अरैस्ट उप्पर इक जागरूकता शिविर दा आयोजन कीता। इस मौके छात्रें, शिक्षकें ते बसनीकें गी डिजीटल परिदृश्य च बधदी चुनौतिएं ते खतरें बारे जानकारी

दिक्ती गेई। साइबर सुरक्षा ते सोची समझियै ऑनलाइन बर्ताव दी महत्ता बारे बी तफसीली गल्लबात कीती गेई। इस जागरूकता शिविर दा उद्घाटन डिप्टी सुप्रीटेंडेंट नीरज कुमार हुदं सनें पुलस दे वरिष्ठ अधिकारिएं कीता। इस शिविर दरान मजूद लोकें विशषज्ञें कन्नै गल्लबात करियै केई अहम मुद्दे पर जरूरी जानकारी हासल कीती। डिप्टी सुप्रीटेंडेंट रियासी हैडक्वार्टर नीरज कुमार हुंदे मती जानकारी दिंदं होई आखेआ.....बाईट

<><><><><><>

Sheetal Devi

किश्तवाड़ दे मशहूर चौगान मैदान च खरी मती रौनक दिक्खने गी लब्धी जिसलै जिला प्रशासन किश्तवाड़ नै गोल्डन गर्ल अर्लुन पुरस्कार विजेता दुनिया दी नंबर—1 पैरा तीरंदाज शीतल देवी आस्तै भव्य सुआगत दा आयोजन कीता। उंदे बेह्तरनीन खेड्ड प्रदर्शन कन्नै पूरे जम्मू कश्मीर खास करियै किश्तवाड़ दा नां उच्चा होआ ऐ, जेह्दे कन्नै शीतल देवी युवाएं आस्तै प्रेरणा स्रोत बनी गेइयां न। इस खास सुआगत कार्यक्रम दा आयोजन किश्तवाड़ आट्म फैंस्ट, स्याले दा मेला दे मौके कीता गेआ।

<><><><><><>

हुन बाकी खबरें कन्नै पूजा वजीर।

<><><><><><>

JPC-ONOE

सरकार 'इक देश इक चुनां' सरबंधी विधेयकें गी संसद दी सांझी समिति गी सौंपा करदी ऐ। इस प्रस्तावित समिति च कुल 31 सांसद शामिल न जिंदे च लोकसभा दे 21 ते राज्यसभा दे 10 मिबर न। समिति च बीजेपी दे पी.पी. चौधरी, अनुराग सिंह ठाकुर ते परशोत्तम भाई रूपाला, कांग्रेस पार्टी दिआं नेता प्रियंका गांधी ते मनीश तिवारी, तृणमूल कांग्रेस दे कल्याण बेनर्जी ते राष्ट्रवादी कांग्रेस पार्टी शरद पवार गुट दिआं सुप्रिया सुले शामिल न।

<><><><><><>

US Sanction-Pak

अमरीका नै पाकिस्तान दिएं चार संस्थाएं पर बंदिशां लाई दित्तिआं न। इंदे च राष्ट्रीय विकास परिसर—एनडीसी बी

शामिल ऐ जेहदे पर पाकिस्तान दे बैलिस्टिक मिसाइल कार्यक्रम च सैहयोग दा आरोप ऐ। जेहड़ी होरनें संस्थाएं पर बंदिशां लाइयां गेइयां न उंदे च कराची दे अख्तर एंड संस प्राइवेट लिमिटेड, एफिलिएट्स इंटरनेशनल ते रॉकसाइड एंटरप्राइजेज शामिल न। अमरीकी विदेश विभाग नै आखेआ ऐ जे इनें संस्थाएं करी सामूहिक विनाश आहले थेहारें दे प्रसार ते इस्तेमाल दा ख़तरा पैदा होई गेआ ऐ।

<><><><><><>

DC Doda

डिप्टी कमीशनर डोडा हरविंदर सिंह होरें कल डोडा दे डाउनटाउन क्षेत्र दा तकनीकी दौरा लाइयै उत्थें चला'रदे विकास परियोजनाएं दे कम्में दा जायजा लैता ते बसनीकें कन्नै मिलियै उंदे तसलें सुने। उनें किश अहम ढांचागत विकास कम्म जियां के मल्टी स्टोरी कार पार्किंग परियोजना, पुराने बसें स्टैंड च पानी दी निकासी दा बेहतर बंदोबस्त ते शापिंग कम्पलेक्स दे चला'रदे कम्म दा निरीक्षण कीता। उनें इने परियोजनाएं दे कम्म गी समे सिर पूरा करने दे निर्देश बी दित्ते। ट्रैफिक प्रबंधन पर जोर दिंदे होई डीसी होरें सरबंधत अफसरें गी हिदायत दित्ती जे मल्टी स्टोरी दे

जेर—ए—तामीर फलोर गी पार्किंग चालू करी दित्ता जाना चाहिदा जेकर कस्बे च ट्रैफिक दी भीड़ घट्ट होई सकै।

<><><><><><>

DC Rajouri

डिप्टी कमीशनर राजौरी अभिषेक शर्मा होरें कल बपार मंडल राजौरी दे प्रतिनिधिएं कन्ने मिले ते राजौरी दे विकास बाद्धे दे सरबंधा च केई मुद्दे पर गल्लबात कीती गई। डीसी दफतर च होई दी इस बैठक च बपारिएं अपने मसलें अगगे रखे ते बपार आस्तै सेही सुझाह सांझा कीते। प्रतिनिधिमंडल दी बगुवाई बपार मंडल दे प्रधान राजेश गुप्ता ते दूए मुख सदस्यें कीती। डीयी अभिषेक होर मंडल दे मसलें तफसील कन्नै सुने ते उनेंगी सुलझाने आस्तै आश्वासन बी दित्ता।

<><><><><><>श

Cricket

टी—20 अंतर्राष्ट्रीय श्रृंखला दा त्रीया ते खीरला मैच भारत ते वैस्टइंडीज दी महिला क्रिकेट टीमें बश्कार अज्ज नवी मुंबई दी डी. वाई.पाटिल स्पोर्ट्स अकैडमी च होग। भारती समें मताबक एह मैच

संजा 7 बजे शुरू होग। हरमनप्रीत दी अगुवाई च भारती टीम नै पैह्ला मैच 49 रंजें कन्नै जित्तेआ। तोआई वेस्ट इंडीज नै मेजबान टीम गी 9 विकटें कन्नै हराइयै मैच च थाहर बनाई। एह श्रृंखला फिलहाल 1—1 दी बरोबरी पर ऐ। अज्ज दा मैच विजयी टीम दा फैसला करोग।

<><><><><><>

Weather

जम्मू कश्मीर च इसलै खरी मती ठंड बरा'रदी ऐ, तापमान च तेजी कन्नै गिरावट आवा'रदी ऐ ते आम जीन मुश्कल बनेदा ऐ। जम्मू क्षेत्र च बनिहाल च तापमान मनफी 1.9 डिग्री सैल्सियस रेआ। उधमपुर च सिफर इशारिया 1, दुए जिले पुंछ ते सांबा च तापमान 1—1 डिग्री सैल्सियस रिकार्ड कीता गेआ, रियासी च 1.4 ते जम्मू शैहरा च तापमान 5.1 डिग्री सैल्सियस रेआ। कश्मीर घाटी दे श्रीलीनगर च मौसम दी सब्बने शा ठंडी रात दर्ज कीती गेई ते तापमान मनफी 6.0 डिग्री सैल्सियस रेआ। शोपियां च मनफी 10.2, अनंतनाग च मनफी 9.0 ते पुलवामा च मनफी 4 डिग्री सैल्सियस दर्ज कीता गेआ। मौसम विभाग ने

ਆਖੇਆ ਏ ਜੇ ਠੰਡ ਦਾ ਪ੍ਰਕੋਪ ਅਗਲੇ ਕਿਸ਼ ਦਿਨੇਂ ਜਾਰੀ ਰਹੈਗ, ਇਸ
ਕਰੀ ਲੋਕੇਂ ਗੀ ਏਹਤਿਆਤਬਰਤਨੇ ਦੀ ਲੋੜ ਏ।

<><><><><><>